

Media : Sinar Harian

Date : 23 April 2024

Ajinomoto, MAREA kerjasama untuk kelestarian alam

Oleh SYAMILAH ZULKIFLI

[Follow](#)

23 April 2024 04:04pm

Masa membaca: 4 minit



Roberto (kanan) mendengar taklimat mengenai produk keluaran Ajinomoto pada Selasa.

AJINOMOTO (Malaysia) Berhad (AMB) menjalin kerjasama dengan Malaysian Recycling Alliance (MAREA) bagi memperkasakan usaha ke arah memupuk amalan kelestarian alam sekitar di negara ini.

Pengarah Urusan AMB, Riichiro Osawa berkata, kerjasama itu membuktikan komitmen pihaknya terhadap pengurusan bahan pembungkusan kesemua produknya.


"Kami yakin kerjasama dengan MAREA akan mempercepatkan kemajuan kami ke arah mencapai matlamat FY 2030 iaitu sifar pelupusan sisa plastik.

"Dengan menggabungkan kekuatan dan sumber, kami boleh memacu perubahan yang bermakna, seterusnya menyumbang kepada masa depan lebih mampan untuk Malaysia dan seterusnya," katanya semasa Majlis Pelancaran Strategik antara AMB dan MAREA di sini pada Selasa.

Hadir sama, Ketua Pegawai Eksekutif MAREA, Roberto Benetello.

Riichiro berkata, di bawah Pelan Hala Tuju FY2030, Ajinomoto Malaysia komited untuk menjadikan 100 peratus bahan pembungkusannya boleh dikitar semula.

Justeru, jelas beliau, pihaknya mengiktiraf kepentingan proses pemulihan sebagai sebahagian Tanggungjawab Pengeluar Lanjutan (EPR) dan komited untuk bekerjasama rapat dengan MAREA dalam bidang tersebut.



Riichiro (kiri) menerima sijil pengiktirafan daripada Roberto.